

Mazarin  
2532

La Nompareille du temps



UNIVERSITY OF N.C. AT CHAPEL HILL



00023003562

RARE BOOK  
COLLECTION



THE LIBRARY OF THE  
UNIVERSITY OF  
NORTH CAROLINA  
AT  
CHAPEL HILL  
Mazarin  
2532

2532 23  
LA  
NOMPAREILLE  
DV TEMPS,

OV LA  
PROSOPOPEE  
DE THEMIS,

Et la Fortune plaidant le procez  
de Mazarin.



A PARIS,  
Chez la veufue d'ANTOINE COVLON, rue  
d'Ecoffe, aux trois Cramaillicres.

---

M. DC. XLIX.





ALFRED A. JOHNSON, CO. LTD.,  
LONDON, ENGLAND.

ALFRED A. JOHNSON, CO. LTD.,  
LONDON, ENGLAND.





L A  
**NOMPAREILLE**  
 D V T E M P S,

O V L A P R O S O P O P' E E  
 de Themis , & la Fortvne plaidant  
 le procez de Mazarin.

*La Iustice ou Themis est le Iuge , Mazariu le Criminel  
 & Client, & la Fortune est son Aduocate.*

*T H E M I S P A R L A N T A M A Z A R I N.*



'E N est fait Mazarin , le Ciel à trop long-temps  
 dissimulé tes cruantez ; Il ne les peut plus souf-  
 frir , ny la terre les supporter. Vois-tu tous ces  
 ruisseaux de sang , qui se coulent de ses entrailles ?  
 ce sont tes meurtres qui les ont respandus ; Re-  
 connois-tu tant de visages ensanglantez ; tant de  
 corps morts , qui gisent maintenant dessus la  
 terre ? C'est de tes coups qu'ils ont esté meurtris ; le feu d'une  
 guerre ciuile , que tu as allumé depuis peu dans la France , entre  
 les Princes du Royaume , n'est-il pas vne marque de ta cruauté ?  
 N'apperçois-tu point que les sepulchres de tant de Princes , sacri-  
 fiés à tes entreprises mal-heureuses , souurent ; & seulement ces



corps à demy pourris, pour reprendre les sentimens de leur iniuste mort. Certes ils ont touché les Astres de leurs cris, & Dieu ne peut plus soustenir le bras de ses vengeances, qui à la fin se veulent décharger sur tes impietés.

Arreste Mazarin, arreste de la part de cette sage Ouuriere, qui depuis six mille ans à gouverné le monde, & qui apres auoir establi vn si fleurissant Empire, comme celuy des Lys, ne peut pas permettre qu'il soit esbranlé ou alteré par les infames pretentions d'un scelerat Estranger, qui ne demande rien plus que la ruine de ce grand Royaume, & consequemment celle de nostre bon Roy Louis XIV. Je veux donc bien que tu sçaches de la part de cette mesme Iustice Diuine, que tes crimes sont bornées, & qu'une creature ne doit pas pecher iusques à l'infiny : c'est trop faire de mal sans en souffrir; il te faut mourir apres tant de meurtres, & noyer dans ton sang tous les excez de tes brutalitez. La Iustice a prononcé ton Arrest, & toute la France en pressel'execution: car la passion quelle a de venger ses affrons dans tes desastres & ton malheur, ne peut estre assouuie, que par la punition de ses maux.

*La Fortune de Mazarin, plaidant la cause de son Client,  
& parlant à Themis.*

**H**E! quoy Themis, voulez-vous m'arracher des mains, mon plus cher Mignon, & celuy que ie croyois esleuer le plus haut de tous mes Favis, & monstrier en luy ce que peut la Fortune, quant elle a entrepris de leuer vn homme au sommet des grandeurs du monde. Vous le voulés abaisser au plus bas degré de tous les mortels? Hé! quoy, entreprendrés-vous aujourd'huy de condamner celuy qui condamnoit hier les autres: pretendés-vous d'exposer l'objet des Seigneurs de la Cour, à la furie d'un peuple animé, qui en pourra faire sa proye, & celuy à qui tous les François faisoient gloire d'obeyr, sera-il point aydé d'aucun? ou pour le moins sera-il condamné de tous? Et comment, Celuy qui dominoit sur tous, sera-il maintenant dominé de tous? celuy qui donnoit des Arrests de condamnation aux Princes & aux Iuges, sera-il maintenant sujet à en receuoir? Et se pourra-il faire, que celuy qui en prononçoit en puisse entendre? Sera-il dit que vous me soustrairiés ma plus chere education, pour l'exposer à vos ri-

guezurs?



5

guez. [Non non Themis, il n'en va pas de la sorte, ie sçais assez euer vostre main, & i'ay assez de pouuoir pour n'estre point soubmise à vos loix. Ie ne puis pas permettre qu'un Ministre d'Estat soit reduit à subir vos chastimens, ny ne crains pas que le support des Partisans soit esbranlé par aucun reuers de prosperité. Ie veux encore poursuiure mes efforts & mes Victoires, pour seruir son Eminence, & i'ay à son seruice avec un bon Chef, encore vne armée triomphante, à laquelle vous ne pourrés faire teste, ny soustenir ses efforts. Ie ne veux pas meresiouyr de sa perte, ny estre l'instrument de son affliction; ie l'ay trop cherement esloé, pour le vouloir abandonner; n'auray-je pas compassion de le voir vaincu aux pieds des vainqueurs, pour implorer leurs bontez; le voir gemir sous les pieds du Parlement; Ne me seroit ce pas un spectacle d'horreur. Sçachez donc, Themis, que vous n'avez ioué que les preludes d'une sanglante Tragedie, & que vous n'en viendrés à bout, puis que ie veux m'en reseruer la fin.

*Themis parlant à la Fortune.*

**R**etirez vous inconstante & trompeuse Fortune, & apprenez que vostre Empire n'est plus en assurance dessous le chapeau rouge de Cardinal; ces liurées manifiques, toutes l'ambrissée d'or; & tous ces superbes Palais ne vous peuuent plus seruir à vous loger, mais seulement à vous envelopper dans leurs ruines. Sortez donc, de peur de voir entrer la mort chez vous. Sortés du fonds des cabinets, & des retraites infames des crimes de ce meschant, sortés de peur d'y estre enfermée, & subir avec luy un supplice mille fois plus infame que celui du Marquis d'Ancre (homme de telle cabale;) Interrompez luy ces danses, & tous ces accords de delices; dites luy qu'il preste l'oreille à l'alarme de la ville de Paris, qui a coniuré sa ruine; faites en sorte qu'il vienne à la rencontre du Parlement, son vainqueur: & qu'il se iette à ses pieds, & qu'il subisse volontiers la peine due à ses crimes. Ie sçay bien que son ambition n'agrée pas ces deferences, & ces humiliations: mais ses disgraces luy obligent. Qu'il embrasse donc le genoux de ce grand Duc de Beaufort, & qu'il luy demande pardon en mourant: Puisqu'il l'a tant offensé, qu'il voye les crimes qu'il a commis enuerstant de Princes, par ses dernières larmes, pour esteindre le feu de leur iuste cholere. Faites luy sçauoir de ma



part, que tous ces habits de luxe; ce brillant de perles & de diamans; ces demarches majestueuses que i'apperçois en luy, ne s'accordent pas à la condition d'un miserable: Cet éclat & cet ajancement d'une teste parfumée, n'a point de proportion à une teste qui doit perdre avec la liberté l'union de son corps. Ces yeux d'un air si riant & si vif; ce vermeillon mis & couché avec tant d'artifice, n'est pas bien seant sur le visage d'un criminel, qu'il preuue le deuil dans ce rencontre fatal, & qu'il rende au moins le sentiment lugubre de la decadence de son ministere, & de la mort de laquelle en bref ie veux le punir.

*La fortune poursuivant la defense de son Client, replique  
ces mots.*

**T**Aidez-vous, Themis, ne deuez-vous pas sçauoir, que de s'attaquer au seruiteur, c'est offencer le maistre, & entreprendre le Fauory d'un Roy, c'est se rendre criminel de leze Majesté? Pretendez-vous auiourd'huy reformer le meilleur Politique de l'Vniuers? Comment osez-vous attaquer une Eminence si noble? Ne vous semble-elle point esleuée à un trop haut point d'honneur, pour estre captiuée sous vos loix? L'exemple de tant de Princes qui ont esté punis, pour en auoir voulu cognoistre, ne vous sont-il point des moyens assez efficaces pour vous en empêcher? Auez-vous oublié l'emprisonnement de M. de Broussel avec plusieurs autres, & aussi l'empoisonnement du sieur President Barillon? Ne voyez-vous point ce grand Ministre estre appuyé de l'autorité Royale, des Princes & du Conseil? C'est pourquoy ie vous prie de r'entrer en vous, & puisque vous Presidés à la Iustice, n'agissez point iniustement avec le plus iuste des hommes: Vous n'ignorez point, que c'est luy qui (*ordine in verso*) a si bien ordonné les affaires du Roy? N'admirez-vous pas son soin à faire bien valoir les finances? Ses conseils, pour faire bien payer les reuenus de sa Majesté? N'auéz-vous point entendu tant de sentences prononcés pour cet effet? Les bons Intendans qu'ils a mis dans toutes les Prouinces, pour rendre justice à un chacun. Les Gouvernemens des Prouinces & des Villes, qu'il a donné aux Princes & aux gens de probité, afin que le Roy en fut fidèlement seruy? Et apres tant de seruices qu'il a rendu au Royaume, vous l'auéz condamné criminel de leze Majesté, & perturbateur du



repos public, pour auoir fuiuy la personne du Roy à Saint Ger-  
main, auquel lieu il estoit necessaire. Certes il est aisé de conclur-  
re, que vous vous estes trompée d'auoir condamné le plus grand  
homme d'Estat du temps, lors que de son innocence, vous en  
auez faict vn crime.

*Themis se sied sur son lit de Iustice, & parle ainsi à  
la Fortune.*

**A**Rriere, arriere d'icy effrontée; arriere de mes Palais, mau-  
uaise Aduocate. Quoy! oses-tu enuifager mon lit de Iusti-  
ce, & vouloir alleguer les defenses d'un crime, que toutes les sa-  
tisfactions possibles ne pourroient iamais effacer? Tu ne sçais que  
trop bien que ta cause est trop griefue excuse; & le suiuet trop cou-  
pable pour estre iustifié. Le seul allegué de defence, en prononce la  
condamnation; & qui en entend le plaidoyer, celuy en porte la  
sentence? Sçais-tu pas bien, d'autre part, que le pere ne peut plai-  
der pour son fils, ny le maistre pour son valet. Dont à plus forte  
raison, la Fortune ne doit entreprendre la cause de son Fauory.  
Toutefois en cecy; ce n'est pas mon intention de t'en oster le pa-  
tronage; ains au contraire, ô Fortune, sois Aduocate aujour-  
d'huy, & ton Client soit Mazarin, puisque c'est de toy qu'il a tout  
receu; c'est à toy de defendre ses interets. Tu dis pour tes raisons,  
qu'il sçait bien gouverner les Finances, ie l'aduoue; car il les a si  
bien gouvernées, qu'ils sont allées iusques à Rome: Tu dis qu'il  
sçait bien faire venir de l'argent dans les coffres du Roy, cela n'est  
que trop vray, puis qu'il en a epuisé toute la France: Et puis d'au-  
tre part, tu ne peut nier qu'il ne l'en ait tiré pour entoyer en Ita-  
lie: Tu allegues qu'il a mis des Intendans dans les Prouinces pour  
rendre la Iustice, cela est constant, s'il faut appeller Intendans  
des harpies & des sansuës, qui ont extorqué tout l'argent du pau-  
vre peuple François, auquel il n'est resté que des iustes ressentim-  
ens. Mais c'est trop parler, sans en venir à l'effet, ie n'ay point  
d'autres tesmoins, que les miseres & calamités presentes.

L'entreprends donc maintenant de purger la France du venin  
dont elle pourroit creuer. Ie veux euacuer cette peste, qui pour in-  
fecter les plus solides santés du Royaume, & ie ne permettray pas  
que les autres peuples nous reprochent d'auoir chez nous vn hom-  
me, qui est l'abregé de tous nos crimes, & que celuy qui a esté ban-  
ny de toutes les autres Nations, & mesme de l'Italienne, sa mere



nourrice, soit venu en France establir vne tyrannie? C'est à toy Mazarin; c'est à toy scelerat; c'est à toy qui as enleué nostre bon Roy; qui a troublé nostre repos; c'est à toy écueil infames de tant de Seigneurs; c'est à toy qui as fomenté vne guerre entre le pere & les enfans, entre les propres freres. Enfin entre tous les bons François. C'est toy que ie peux dire, qui as sacrifié tant de grands hommes à la fureur de la guerre; c'est toy qu'on peut maudire, comme la cause mal-heureuse de tant d'Eglises prophanée; de tant de violemens de pauvres filles; de bruslemens & rasemens de Bourgs. C'est toy qui nous as amené des Allemands & des Polonois, pour estre les bourreaux des pauvres vilageois, qui t'auoient desia donné iusques à la dernière goutte de leur substance, pour satisfaire aux suppositions excessiues, que tu leur auois fait iniustement payer.

Mais hélas! j'entend tant de pauvres, qui ayant leurs enfans sur les bras, tous languissans de faim, & halletans apres leurs misérables meres, lesquelles esmeues par leurs plus tendres affections, crient Themis, Themis, ayez pitié de nous. Et ne permettes plus que nous viuions dauantage sous les loix si seueres d'un Estranger, qui nous tirent le pain des mains de nos pauvres enfans. Ah! le Vautour, le Lyon, le Traistre, le Desloyal, le Tyran, le mal-heureux Mazarin. J'appelle le Ciel à tesmoin des miseres que ie souffre, il triomphe. Il braue, & il nage glorieux dans le sang de tant de pauvres innocens.

*Conclusion & apostrophe aux Princes & aux fidelles François.*

**A**H! Princes & Monarques, qui estes establis du Ciel parmi les hommes, comme les diuinités terrestres, & les plus viues Images de la Majesté de Dieu. C'est icy que j'appelle vos yeux, & vos plus serieuses considerations; Ne vous laissez seduire par le cham frauduleux de cette pernitieuse Syrene, qui vous veut attirer au precipice. Fermés luy vos oreilles, de peur d'estre seduits, & iettés, ie vous prie, vos yeux de misericorde sur tant de pauvres Sujets, accablez des miseres presentes: Puis qu'il ne tient qu'à vous à en extirper la cause, & en tarir la source, j'espere que par vos faueurs & celles des bons François, qui seront les executeurs de vos commandemens & volontés. Nous serons bien-tost deliurée de cette ennemy Sicilien, & obtiendrons vne bonne Paix, que Dieu nous veuille accorder.







